

Filipenses

Peresupɛ jiriro ahri tjure joarocaha Paulo

1 1 Yũhũ Paulo, Timoteo mehne Jesucristore dahra cohtaina jija sã. ã jina jipihtinare mɛsare Jesucristo to noaina wahachũ yoainare Filipo macainare joarocaja sã. Mɛsa pũhto cũhũre, mɛsare yoadohoina cũhũre joarocaja. 2 Cohamacũ mari Pɛcũ, mari pũhtoro Jesucristo mehne mɛsare noa dutija. Cohamacũ to yoadohoa mehne noano jiga mɛsa.

Paulo Jesu yainare Cohamacũre sini payoha

3-6 Cohamacũ mɛsare noaa sehere cohtotachũ yoaro nina. ã jiro mɛsare to ã yoa dũcariro seheta sohtori dahrerohca tiro. ã jina Jesucristo ahri yahpɛpɛre to wihiçhũpɛre ñaa marieina jinahca mɛsa. Wahmanopɛre Jesu yaina mɛsa jiri baharo, mipũ cũhũre yoadohora mɛsa yũhũre noaa buheare yũ buhechũ. Mɛsa ã yoaina jichũta Cohamacũre “Noana”, nija yũhũ. Mɛsare wacũcũ õ sehe dihta nija yũhũ. Mɛsare Cohamacũre sini payocũ, wahchea mehne sini payoja. 7 Mɛsare yũ ã tũhotuchũ noa nina. Noaa buheare “Potocã tjira”, pũhtoare yũ ni tua yũhdũrucachũ mɛsa yũhũre yoadohore. Tí buheare potocã ti jiare tinare yũ yahuchũ yoadohore mɛsa. Peresui yũ jichũ cũhũre mɛsa yũhũre yoadohore. Cohamacũ marine noano yoaro, to yare cũre marine. Mɛsa yũhũre yoadohore. ã jina to cũrire mari cũno potori yoana nija. ã jicũ yũ yajeripohna mehne tuaro wacũja yũhũ mɛsare. 8 Jesucristo to cahĩa mehne tuaro mɛsare wacũja yũhũ. Yũ ã wacũchũ Cohamacũ tíre masina. 9 Mɛsare õ sehe ni sini payoja yũhũ Cohamacũre: Cohamacũ yare noano masia mehne, tũho masi pahũoa mehne painare mɛsa cahĩ namohto cjihtore sini payoja yũhũ mɛsare Cohamacũre. 10 Noa yũhdũare mɛsa masichũ cũhũre sini payoja mɛsare. Mɛsa ã masina Cristo ahri yahpɛpɛ to tjua tachũ noaare yoaina, ñaa buhiri marieina jinahca mɛsa. 11 ã jiina jina noaare, Cohamacũ cahmaare yoanahca mɛsa. Mɛsare ã yoachũ yoarohca Jesucristo sehe. Cohamacũ

noabiariro tuariro to jiare ñono taro, jipihtina tirore ti ño payohto cjihtore to cahmaare mäsare yoachü yoarohca.

Paulo Cristo yairo to jia tiare yahuha

12 Yü coyea, ahrire müsa noano masichü cahmaja yühü. Mipüre peresui jiriro yü jiro watoi noaa buhea sehe ã mü tärucuro nina. Paina masa tí buheare cahmaina waha namoa nina. 13 Æ yoa Cristo yairo yü jiri buhiri peresui yü jirire masi pihtira pühtoro ya wühü macaina surara. Jipihtina paina cühü òi jiina tíre masina. 14 Æ jia peresui yü jichü ñüa, payü mari coyea Jesu yaina mari pühtoro Jesure wacü tua namoa nina. Æ wacü tuaa, cuiro marieno noaa buheare painare buhera tina.

15 Cäina Cristo yare buheraborina jipahta yühüre ñü tuhtia, Cristo yare buhera paina tina sehene ñü wahächü cahmaa. Paina sehe noano mehne Cristo yare buhera. 16 Noaa buheare yü ni tua ducatahti cjihtire Cohamacü yühüre to cürire noano masina ahрина sehe. Æ masia tina cahña mehne Cristo yare buhera. 17 Paina sehe yühüre ñü tuhtia, masa tina sehene ti ñü wahächü cahmaa, Cristo yare buhera. Æ yoa peresui yü jichü tina yühüre ñano yühüchü yoa duara. 18 Noanohca. Cristo yareta buhea nina. Tina Cristore potocã cahñerapahta Cristo yareta buhera. Paina sehe noano mehne buhera. Jipihtina tina to yare ti buhechü wahcheja. Æ jicü wahche namoihca yühü.

19 Cohamacüre müsa sini payori mehne Jesucristo Espiritu to yoadohoa mehne Cohamacü to wioriro jiihca yühü peresupü jiriro. Tíre masija. Æ jicü ã wahcherucuihca yühü. 20 Ò seheta yoaihca yühü. Dachoripe yü yoariro seheta mipü cühüre cuiro marieno Cristo yare buheja masa tirore noano ti ño payohto sehe. Ò seheta yoa duaja yü yoarire yü buheri cühüre yü büoro yühüerahto sehe. Catisinicü waro ò seheta yoa duaja. Tina yühüre ti wajã duapachüta ò seheta yoa duaja. 21 Catisinicü Cristo yare yoasinihca. Yariacü pinihta tí yühüoro noano tjuaihca yühü. 22 Æ nipacüta catisinicü Cristo yare yü yoa namohto sehe cati namosini duaja. Æ nipaihta yariaa cühüre cahmaja. ¿Di baro sehene yühü cahmabocari? Masieraja yühü. 23 Yü ò sehe ni durucuchü mijo nina yühüre. Cristo mehne tuaro ji duaja. Æ jicü mipüre tiro caharü waha duaja. Catia yühüoro ahri sehe noa yühüerücara. 24 To ã jipachüta müsare yü yoadohohto cjihto sehe catisinino cahmana yühüre. 25 Tíre masicü òi müsa mehne yü jisinihtore masija yühü. Æ jisinihca

musa Cristore wacũ tua namohto cjihtore tí wacũ tuaa mehne musa wahchehto cjihtore. **26** Ahri yahpai jisinicu musa cahapu pari turi yu wahachu musa wahchenahca. Cristo Jesu yuhure to yoadohochu masina, “Tuariro jira tiro”, ni ño payonahca musa tirore.

27 Mipure ahri dihtare yahuihtja musare. Cristo ya buhea ti niriro seheta jirucuga musa. Wacũ tuaina jiga. ã yoa cahma tju waro marieno noaa buheare ni tuaga. Õ seheta yu mariachu cuhure yu jichu cuhure musa yoachu cahmaja. ã jiina musa jichu tuhorooca duaja yahu. **28** Musare ñu tuhtiinare cuiena tjiga. Musa ã cuierachu ñua Cohamacu yaina musa jichu masiahca tina. ã masia tina pichacapu ti wahahto cuhure masiahca. Cohamacu musare to yuhduchu yoahito cuhure masiahca. Õ seheta masichu yoara Cohamacu masare. **29** Cristore musa wacũ tuahtore Cohamacu cüha musare. Ahri cuhure cüha tiro. Cristo yare musa yoari buhiri musa ñano yuhduhto cjihto cuhure cüha Cohamacu. **30** Õ sehe jira tí. Cristo yaina musa jiri buhiri paina musare ñano yoara. Musare ti yoariro seheta yuhu cuhure ñano yoara tina. Musa mehne yu jichu yuhure ti ã yoachu ñure musa. Mipu cuhure yuhure ti ã yoachu tuhoro cayuhti musa. ã jina mari cüno potori ñano yuhduja.

**Cristo wiho jiri to säari baharo,
jipihtina bui puhtoro cjihto wahaha**

2 ¹⁻² Cristo musare noano yajeripohna tichu to yoachu Cristo to cahia mehne musa wahchena, yuhure noano wahchechu yoaga musa. ã yoa Espiritu Santo jipihtina musa mehne to jichu painare cahina, pja ñuina jina, yuhure noano wahchechu yoaga musa. Ahri yu nihtire musa yoachu wahcheihca: Cüno potori noano yajeripohna tiga musa. Tuhsu, cüno potori tuhoutuina ji, musa basi cahma cahiga. ã yoa cüno mehne noano jiga. **3** Musa ya dihtare tuhoutuina, painare yuhduruca duaina jiena tjiga. ã tuhoturucaina jiga musa. ã jina painare noano ño payo, õ sehe ni tuhotuga: “Tina sehe yu yuhdoro noaina jira”, ni tuhotuga. **4** Cüiro painare yoadoho duaeraboca. To ya cjihti dihtare tuhoturiro jiboca. Tiro yoaro sehe yoena tjiga. Paina cuhure yoadohoga.

5 Cristo Jesu painare yuhduruca duaerariro to jiri seheta musa cühu painare yuhduruca duaeraina jiga. **6** Tiro sehe

Cohamacu waro jiparota “Cohamacu mehne cãno potori yu jiare ne wijaasi yũhu”, ni tũhotuerari jire tiro. 7 ã ni tũhotueraro tiro Cohamacu mehne cãno potori to jiare wijaa, õpu taro, masũnota masa bajuaro, tiro dahra cohtariro yoaro sehe ji dũcari jire. 8 ã jiro tiro masũno cãno potori pjacu tiri jiro, wiho jiro waro sãari jire. ã sãano “Crusapu wajãga tirore”, ti nichu tiro yũhdũrũcaerari jire. Crusapũta yariahtiro jiparota tiro yũhdũrũcaerari jire. 9 ã jiro Cohamacu jipihtina ti ño payohtirore cũri jire Jesure. ã jiro jipihtina bui pũhtoro sõri jire Cohamacu tirore, 10 jipihtina mũano macaina, ahri yahpa macaina, yariaina cjiri yahpa puhichapu jiina cũhu Jesu wamare tũhoina ti na tuhcuca caha su ti ño payohto sehe. 11 ã pũhtoro sõri jire tirore Cohamacu jipihtina “Jesucristo mari pũhtoro jira”, ti nihtiro cjihtore. ã nia Cohamacure mari Pũcure ño payoa nina.

**Cristo yaina buhriaro yoaro sehe jia,
noaare masare yahu, masichu yoara**

12 ã jina yu cahĩina yu coyey Jesu yaina mũsa mehne yu jichu mũsa yũhtirucuriro seheta, mipu yu yoaropu jichu cũhure pano mũsa yũhtiriro yũhdoro yũhtiga yũhure. ã jina pichacapu wahaborina to yũhdũchu yoarina jina, Cristo yoaro sehe wahana tana, Cristo to yoadohoro mehne ñaa marieina jiga. ã jina ño payoa mehne papero marieno Cohamacu yare yoaga. 13 Cohamacu noaa sehere mũsare cahmachu yoaro nina to cahmano seheta mũsa yoahito sehe. ã jiro tĩre mũsa yoahitore yoadohoro nina Cohamacu. (To ã yoachũ tí yu niriro seheta Cohamacu yare yoaga mũsa.)

14 Jipihtiare yoana nureno marieno, mũsa basi jiape ni durucuro marieno yoaga. 15 Cohamacu pohna jira mũsa. ã jina nureno marieno jipihtiare yoaga mũsa ñaa buhiri marieina, ñaare yoaeraina mũsa jihto cjihto sehe. ã yoaga mũsa masa mahĩoina, ñaina watoi dojomehnenno marieno mũsa jihto cjihto sehe. Tina ñaina watoi jina buhriaro to ñu masichu yoaro seheta noaa buheare buhena masichu yoara mũsa ahri yahpa macainare. 16 Tĩ buheare mũsa tũho ñahari baharo Cohamacu mehne ã jirucuhtina wahare mũsa. Tĩ buheare ahri yahpa macainare mũsa ã buhechu ñũcu mũsa mehne wahcheihca. ã jicu mũsare yu buherire “Wiho waro buherari jica yũhu”, niĩhca yũhu. ã jicu Cristo ahri yahpapu to tjua tachu mũsa

mehne wahcheihca. Ñ jicu bñoro yñhdusi yññ. 17-18 Cristore mñsa wacũ tuachñ Cohamacñ mñsare ññ jicoarohca. To ã ññ jicoachñ masicñ mñsare Cristo yare yñ buheri buhiri yññure ti wajã duapachñta wahcheihtja. Ñ jina mari jipihtina cñno potori wahchenahca. Tó seheta mñsa cññure cahyaro marieno wahchero cahmana yññ mehne, yñ yariari baharo.

Timoteore, Epafrodito cññure yahuha Paulo

19 Mari pñhtoro Jesu to cahmachñ soaro mehne Timoteore mñsa cahapñ waroca duaja yññ mñsa jia tiare masicñ tacñ. Ñ masiipñta wahcheihca. 20 Tiro Timoteo yñ yoaro seheta mñsa noano jihto cjihtore potocãta pjíro tñhotura mñsare. Pairo to yoaro sehe jiro mariahna yññ mehne. 21 Paina sehe jipihtina ti cahmaa dihtare yoa duaa, Cristo Jesu to cahmaa sehere yoa duaerara. 22 Timoteo sehe noano yoiro to jiare masina mñsa. Yñ macñ yoaro seheta tiro yññ mehne noaa buheare yahua tihre. 23 Ñ jicu pñhto yññure ti dohse yoahtore masicñta, Timoteore mñsa cahapñ waroca duaja. 24 Ñ yoacñ mari pñhtoro Jesu to yoadohoa mehne soaro mehne yññ cññ mñsa cahapñ wahaihtja.

25-26 Yññure yoadoho dutina mñsa Epafrodite warocari jire yñ cahapñ. Tiro yñ coyeiro Jesu yairo yññ mehne dahrariro, yñ piti, Cohamacñ yare buhe tuariro jira. Tiro mñsare tuaro wacũroca. Ñ jiro to dohatirire mñsa tñhochñ masino tiro sehe pjíro cahya tñhotuhre. Ñ pjíro to tñhotuchñ ññcñ “Tirore mñsa cahapñ waroca tjuro cahmana yññure”, ni tñhotuja yññ mipñre. 27 Potocãta tiro tuaro dohatihre. Mahano yariabiho yññdñhure. To ã tuaro dohatipachñta Cohamacñ tirore pja ññno, yññdñchñ yoahre. Tiro to yariachñ yññ sehe pano yñ cahyariro yññdoro tuaro cahyaboa. Ñ jiro Cohamacñ yññ cññure pja ñññre tirore yññdñchñ yoaro. 28 Ñ jicu mipñ pinihtare soaro mehne tirore mñsa cahapñ waroca duaja pari turi mñsa tirore ññ, mñsa yajeri sãahto sehe. Mñsa ã wahchechñ ññcñ yññ cññ wahcheihtja. 29 Ñ jina tirore Epafrodite mari pñhtoro yairore mari coyeirore noano wahchea mehne piti bocaga. Ñ yoana painare tiro yoaro sehe jiiñare ñno payoa mehne ññga. 30 Tiro Cristo yare yoadohomahno mahano yariabiho yññdñre. Mñsa sehe yññure yoadoho masierachñ tiro sehe yññure yoadohomahre. Ñ yoaro yariamahre tiro.

Noano yoaa warore yahuha Paulo

3 ¹ Mipũ pinihtare ahrire yahu batoihtja. Mari pũhtoro yaina mũsa jina wahchega. Ahri buheare pano yũ yahurire pari turi mũsare yahu joarocacũ ji coaja yũhũ. Ā jicũ mũsare ahrire yahucũ yoadohoi nija mũsare. ² Noano yoaga mũsa. Ānaare yoarucuina, dieya yoaro sehe jiina ñaina circuncisiõre yoa dutia, mũsa pjacũrire yihso duara. Noano yoaga mũsa ā yoa dutiina sehe “Soro ni buheri”, nina. ³ Tina circuncisiõre yoapahta Cohamacũ dutiare noano yoerara. Mari sehe potocãta Cohamacũ dutiare noano yoaina jija mari. Espĩritu Santo to yoadohoa mehne Cohamacũre ño payoja mari. Ā jina Jesu yaina mari jiare wahchea mehne painare mari yahuja. “Sã mũ sũro Cohamacũ dutiare bihoja”, ne ni tũhotueraja. ⁴ Ā ni tũhotuerariro jipaihta “Tinare doca dahrenocaja”, ti yoaro sehe niriro jicũ ā tjiboa yũhũ cũhũ. Pairo “Tinare doca dahrenocaja”, ni yũhdũrũca duara. Yũhũ sehe tiro yũhdoro ā niboa yũhũ. ⁵ Ō sehe yoariro jimai yũhũ: Ocho dachori yũ masa bajuari baharo circuncisiõre yoari jire yũhũre. Israe masũno jicũ Benjami ya curua macariro jija yũhũ. Yũ pũcũsũma hebreo masa ti jichũ potocãta hebreo masũno warota masa bajuai. Cohamacũ dutiare quihõno pahõno duacũ fariseo curua mehne sãamai yũhũ. ⁶ “Cohamacũ ya jipũcũ”, nicũ noano yoamai. Ā yoacũ Jesu yaina sehere ñano yoaa timai yũhũ. Potocãta Cohamacũ dutiare yoacũ tíre yũhdũrũcaro marieno yoa pahõoi. ⁷ Panopũre “Tí noaa jipũcũ”, ni tũhotumai. “Tí yũ ā ni tũhoturi cjiri panopũ yũ jia tiri yaba cjihti jierari jira”, ni tũhotuja mipũre. Ō sehetã ni tũhotu dũcai yũhũ Cristore wacũ tuacũ tacũ. ⁸ Cristo Jesu yũ pũhtorore yũ masichũ pinihta noa yũhdũrũra. Ā jicũ paye sehere masa “Noaa jira”, ti nirire “Tí jipihtia yaba cjihti jierari jira”, ni tũhotuja yũhũ. Tí jipihtiare duhunocai Cristo ya sehere yoai tai. Ā jicũ tíre yũ duhurire “Wiho jia waro jiri jira”, ni tũhotui Cristore noano masicũ tacũ tiro mehne macariro jicũ tacũ. ⁹ Ā jiro yũ mũ sũro noano yũ yoari wapa “Noariro jira”, ni ñũerara Cohamacũ yũhũre. Ā jiro Cohamacũ dutia Moise cjirore to cũrũre yũ yoari wapa cũhũre “Noariro jira”, ni ñũerara. Cristore yũ wacũ tuari baharo “Noariro jira”, ni ñũna tiro yũhũre. Cohamacũ sehe marine buhiri marieina jichũ yoara, tirore mari wacũ tuachũ. ¹⁰ Ā jicũ pano yũ ni tũhotu mũhtamari cjirire duhunocaja

Cristore noano masicü tacü. Cohamacü tuaa mehne Cristo masa mujari jire. Tí tuaa mehne ji duaja. Ñ yoa tí tuaa mehne noaare yoa duaja. Cristo crusapü yariari jire mari ñaa yoari buhirire cohãno taro. Ñ jicü to yare yü yoari buhiri tiro yoaro seheta ñano yühdü duaja yühü cühü. **11** Ñ jicü Cristo to masa mujariro seheta masa mujah tiro jiihca yühü cühü. Cristo yühüre to ñ masa mujachü yoah tore wacü cohtaja yühü.

12 Ahri jipihtiare ñ nicü, “Cristo yare yoa pahñonocaja yühü”, ni tühotueraja. Yü ñ ni tühotuerapachüta Cristo sehe to yairo yoa tuhsüre yühüre. Ñ jicü to yare tiro cühüre noano masi namo duacü tuaro mehne to yare yoaja yühü. Ñ yoah tiro cjihtore besere tiro yühüre. **13** Yü coyeyá, “Cristo yare noano yoa pahñonocaja”, ni tühotueraja. Ñ tühotuerapaihta ahri pinihtare yoaja: Pano yü yoari cjirire ñ ñnocaja. Tíre pjíro tühotueraja. Ñ yoacü Cristo yare noano yoa pahñonoca duacü, tíre tuaro yoaja mipüre. **14** Murocaperiro to wapata duariro seheta Cristo yare tuaro yoaja yühü yü wapatahtore yü ñahahto sehe. Cristo yairo yü jichü ñno Cohamacü tí yü wapatahtore yühüre waro taro müanopü pjíro cara yühüre to catia mehne yü catirucuhto sehe.

15 Ñ sehe yü tühoturiro seheta tühotuga müsa cühü Cristore noano masiina jina. Wiho mejeta, ahri müsare yü yahurire müsa tühü duaerachü, soro müsa tühotuchü Cohamacü müsare noano masichü yoarohca. **16** Ñ jina to yare mari masirire noano yoa sohtori tijihna.

17 Yü coyeyá, müsa jipihtina yühüre ñü cüga. Ñ jina paina sã yoaro sehe yoainare noano ñuga müsa tinare müsa ñü cühüto sehe. **18** Payü tahari painare yahui yühü müsare. Mipü cühüre tuaro cahyacü tinareta yahuja müsare. Payü tina Cristo crusai to yariari buheare ñü yabiina jira. **19** Tina pichacapü wahahtina jira. Tí ñaa goa pjaá sehene tuaro cahmana tina. Tuhsü, tí büo tiboare yoaa, tíre “Noaa jira”, nina tina. Ahri yahpa macaa dihtare noano tühotura tina. **20** Mari sehene mari ya maca müanopü jira. Ñ jiro tóputa marine yühüchü yoah tiro, mari pühüto Jesucristo tarohca. Ñ jina to tahtore cohtana nija mari. **21** Tiro taro mari pjacürire wiho jia pjacürire soro sehe jia pjacüri dihta cohtotarohca tiro. Ñ yoaro to ya pjacü yoaro sehe noa yühüuari pjacüre si siteri pjacüre warohca marine to tuaa mehne. Jipihtina bui pühüto sãari jire tiro tí to tuaa mehne. Ñ jiro jipihtia püro jira tiro tí tuaa mehne.

Dachoripe mari pũhtoro mehne wahchega

4 ¹ Ñ jina yũ coyeya, yũ cahĩina, tuaro yũ wacũina, yũhũre wahchechũ yoaina, pano mũsa wacũ tuariro seheta mipũre mũsare yũ yahu joariro seheta mari pũhtoro Jesure tuaro wacũ tuana, to yare ne duhuena tũiga mũsa.

² Ahrire yahuihtja mũsare Evodiare, Síntique cũhũre: Jesu yaina numia jira mũsa. Ñ jina cahma sayoro marieno noano mehne jirucuga mũsa. ³ Mũhũ sehe potocãta yũ piti warota jira. Mũhũ cũhũre yahuihtja: Tĩ numia yũhũ mehne, Clemente mehne, paina yũ piti tiina mehne dahrare noaa buheare sã buhechũ. Cohamacũ tina jipihtina wamare joa õha to ya tũui. Jipihtia dachoripe catiare to warina wamare to joa õri tũui joa õha. Ñ jicũ tĩ numiare “Cũno mehne noano jiga”, ni yahuga mũhũ.

⁴ Dachoripe mari pũhtoro mehne wahchega. Pari turita yahuihtja tjoa: Wahchega. ⁵ Noano yoaga jipihtinare masa yoaro seheta. Mari pũhtoro Cristo to tahto mahanocã dũhsara.

⁶ Ne cahya pjĩro tũhotuena tũiga. Cohamacũre noano yahu pahũoga. Ñ yoana tirore siniga. Ñ sinina, “Noana”, niga tirore. ⁷ Mũsa ã yoachũ noano jichũ yoarohca mũsare Cohamacũ. To ã yoachũ noa yũhdũara. Ahri mari noano jia noa yũhdũara. Masa jina, marine to ã noano jichũ yoarire noano tũho ñaha masieraja mari. Cristo Jesu yaina mari jichũ marine noano jichũ yoaro, Cohamacũ marine noano yajeripohna tichũ yoarohca. Ñ yoaro cahya tũhotuerachũ yoarohca marine.

Noaare tũhotuga

⁸ Ahrire yahu batoi tai nija mũsare, yũ coyeya. Quilhõno jiare, masa ti ño payoare, noano yoaaare, ñaa mariare, ji coaare, masa “Noaa jira”, ti niare tũhotuga mũsa. Noa yũhdũa ti jichũ tíreta tũhotuga. Masa noaare ñũa ti wahchea sehere mũsa cũhũ wahche tũhotuga.

⁹ Mũsare yũ buheriro seheta ã yoarucuga mũsa. Ñ yoana, yũhũre ñũ cũga mũsa. Mũsa ã yoachũ Cohamacũ mũsare noano jichũ joariro mũsa mehne jirohca.

Filipo macaina Paulore ti wari cĩjire yahuha tiro

¹⁰ Mipũ pinihta yoari pja baharo mũsa pari turi yũhũre wacũina mũsa yoadohoare wahcheja. Ñ wahchecũ mari

pũhtoro Cristore “Noana”, nija. “Yũhũre boaa wahare mũsa”, nieraja yũhũ. Panopũre yũhũre yoadoho duapanahta yoadoho masierare mũsa. **11** Yũhũre mũsa yoadohorire yahucũ yũhũre dũhsarire mũsare yahui tai nieraja. Mũsare paye barore cahmacũ ã nii nieraja. Yũ cjuaa mehne ji masija yũhũ. **12** Paye baro cjuaceracũ cũhũ noano ji masija yũhũ. ã yoa pjĩro cjuacũ cũhũ noano ji masija. Dachoripe jũca baacũ cũhũ jipoaja. Yapiriro jicũ cũhũ jipoaja. Pjĩro cjuacũ cũhũ jipoaja. Yũhũre paye baro mariachũ cũhũre jipoaja. **13** Cristo yũhũre tuachũ yoariro mehne jipihtiare Cohamacũ to cahmaare yoa masi pahũoja yũhũ. **14** Yũ ã jipoariro yũ jipachũta yũ ñano yũhdũchũ mũsa yoadohona yũhũre noano yoare mũsa.

15 Noaa buheare yũ buhe dũcachũ Macedonia yahpai jiriro cjiro yũ wahachũ mũsa dihta yũhũre yoadohore. Tĩre masina mũsa. **16** ã yoa Tesalónicaĩ yũ jisnichũ ñũna yũhũre yoadohona cãa tahari warocari jire mũsa. **17** Paye barore sinicũ ã nicũ nieraja. Painare mũsa yoadohochũ Cohamacũ mũsare noano yorohca. Mũsa ã yoadohori wapa Cohamacũ mũsare to noano yochũ cahmaja yũhũ. **18** Mĩpũre yũhũre noano wa pahũohre mũsa. Yũ cahmari yũhdoro wahre mũsa yũhũre. Yũhũre Epafrodito mehne mũsa warocari baharo paye baro ne dũhsaerara yũhũre. Cohamacũ wũhũpũ inciensore jũ mũo Cohamacũre ti noano ji coachũ yoariro seheta yũhũre mũsa wari cũhũ Cohamacũre noano ji coachũ yoara. **19** Cristo yaina jira mũsa. ã jiro jipihtiare mũsare dũhsarire warohca Cohamacũ mũsare, noa yũhdũa to cjuare. **20** Jipihtia dachoripe mari Pũcũre Cohamacũre ño payojihna. ãta yoajihna.

Paulo noa dutiha

21 Jipihtina Cohamacũ yaina, tũpũ jiina, Jesucristo yaina noajaro. Mari coyea cũhũ Jesu yaina yũhũ mehne macaina mũsare noa dutira. **22** Jipihtina Cohamacũ yaina, õ macaina, Jesu yaina noa dutira. Roma macaina bui pũhtoro ya wũhũ macaina pinihta tuaro noa dutira.

23 Mari pũhtoro Jesucristo mũsare to cahĩa mehne noano yoajaro.